

Biemans y Pepermans a atende Bolsa na Berlin

ORANJESTAD(AAN)— E Gerente General di Talk of the Town, Gerry Pepermans, hunto cu Ewald Biemans, Manager di Manchebo/Bucuti Hotels, a atende e Bolsa di Berlin, cu a tuma lugar di 5 pa 10 di Maart. Nan a comparti espacio di exposicion na e evento turistico hunto cu Oficina di Turismo di Aruba.

E convencion e aña aki a atrae un multitud mas grandi cu ta e caso normalmente. Ta worde calcula

cu 23 Mil profesional den e sector di viahe a atende e Bolsa, cu a conta cu participacion di 140 pais.

E Bolsa a haya hopi atencion di parti di prensa internacional.

Mientras pa di 13 aña consecutivo Aruba tabata representa na e Bolsa, otro aña Pepermans y Biemans ta planea di regresa, ya cu nan ta considera e Bolsa un entrada valioso pa e mercado Europeo.



Programa di Fiesta di Hesus Misericordioso

ORANJESTAD(AAN)— Na Parokia di Brazil lo tin un adoracion nocturno cu lo cuminsa pa

9'or anochi y 5'or marduga lo tin un santo Sacrificio di misa na Sta. Cruz lo tin un Santo Sacrificio pa 9'or di

mainta sigui pa un adoracion di 10-11'or.

Na Savaneta lo tin un adoracion di 4.30 - 5.30 cu un santo sacrificio di misa.

Tur debotonan y fielnan ta keda cordialmente invita, pa celebra hunto cu nos e dia grandi aki.

Instituto di Cultura 10 ana di existencia

INSTITUTO
DI CULTURA
ARUBA



ORANJESTAD(AAN) — Relaciona cu e celebracion durante luna di April di e 10 aña di existencia di Instituto di Cultura lo ser organisa varios actividad cuminsando ayera nochi. Dialuna 11 di April venidero lo ser teni den Fort Zoutman un anochi literario durante cual diferente personanan lo recita poesianan combina cu presentacionnan musical.

For di dia 9 te cu 22 di April 1988 e promer exposicion individual di e conocido pintor Arubano señor Mateo Hayde, lo tuma lugar den e sala di exposicion di Instituto di Cultura. Actualmente ta haciendo e preparacionnan necesario pa tene un exposicion tambe den diferente distrito pa facilitar e hubentud local escolar y e pueblo en general.

bishita esaki.

Dialuna 18 di April venidero un foro cu e topico "cultura", na unda lo discuti ampliamente e aspectonan cultural den su distinto relacionnan.

Ademas tin pensa pa organisa ariba 29 di April 1988 un "Anochi Cultural" ariba Plaza Gilberto Grancois (Betico) Croes cu presentacion di musica, tanto, baile y crea un ambiente di mercado ariba e plaza. Esaki lo ta e clausura di e actividadnan relaciona cu e segundo lustro di Instituto di Cultura.

Señor Leo Tromp, Director di Instituto di Cultura conhuntamente cu e staff cultural di Museo Archeologico, Numismatiko, Historico y A.L.A. fundacion Barica Geel ta invita henter e comunidad Arubano pa asisti na e actividadnan y celebra hunto cu nan e 10 aña di existencia di ICA.



PALM VILLAGE

R E S O R T

*If you like talking to people,
and speak English well,
please call us for an
appointment... NOW!*

Tel: 29024

Neet

... pa pia elegante

Pa e muhe ku kier tin pianan seksl, femenina i sofistika. Ayo feltamentu... NEET ta asina fasil pa usa pa kita kabel na pia i bou'i brasa. E ta bin den forma di krema loshon i bikini line.

Keda atraktivo
ku...NEET!



Distribuidors:

Hector Henriquez B. Inc. - Caracasbaaiweg 38 - Curacao - Tel. 613266
Unisales Corporation N.V. - Tomatenstraat 8 - Aruba - Tel. 23821/25644

